

真山民詩集

括蒼叢書第二集之四




舊籍

線  
851.452  
5365  
v. 1



圖書集成



民國三十七年

五月廿七日

龍泉縣志本傳

真山民不傳名字亦不知何許人也但自呼山民或  
云名桂芳宋末進士李生喬歎以爲不愧迺祖文忠  
西山以是知其姓真矣痛值亂亡深自湮沒世無得  
而稱焉惟所至好題詠因流傳人間然皆探幽賞勝  
之作未嘗有江湖酬應語張伯子謂宋末一陶元亮  
非過論也



我輩備時

之於未嘗有

而無誤

西山以景映其致真矣

云名林莽未

真山且不

請泉源志本軒

四庫全書提要 真山民集一卷宋真山民撰山民

始末不可考宋末竄跡隱淪以所至好題咏因傳于世或自呼山民因以稱之或云李生喬嘗歎其不愧乃祖文忠西山考真德秀號曰西山謚曰文忠以是疑其姓真或云本名桂芳括蒼人宋末嘗登進士要之亡國遺民鴻冥物外自成採薇之志本不求見知於世世亦無從而知之姓名里籍疑皆好事者以意爲之未必遂確今從舊本題曰真山民集姑仍世之所稱而已其集宋藝文志不著錄明焦竑經籍志蒐宋人詩集頗備亦未載其名江湖小集始收之而亦多未備此本出浙江鮑氏知不足齋較他本爲完善然皆近體無古詩元詩體要中錄其陳雲岫愛騎驢

七言古詩一首此本無之或詩本兩卷而佚其古體一卷或宋末江湖詩人皆不留意古體山民亦染其風氣均未可知然就其存者論之黍離麥秀抱痛至深而無一語懟及新朝則非惟其節至高其安命知天識量亦不可及視謝靈運輩旣襲康樂之封而猶稱韓亡子房奮秦帝魯連耻者相去不啻萬萬矣詩格出晚唐長短皆復相似五言如鬢禿難瞞老心寬不貯愁煙碧柳生色燒青草返魂風竹有聲畫石泉無操琴棠醉風扶起柳眠鶯喚醒地皆宜避暑人自要趨炎飛花游蕩子古木老成人新葬塚無數後來人更多七言如欲談世事佛無語不管客愁禽自啼懶看世情晨睡去怕傷時事暮吟休商嶺定無屠狗

客雲臺寧有釣魚人囊空儘可償詩債脚倦猶能入  
醉鄉雕鏤花柳春無迹沐浴山川雨有恩炭爲驟寒  
偏索價酒因不飲懶論交之類皆不出晚唐纖佻麤  
獷之習至五言之鳥聲山路靜花影寺門深風蟬聲  
不定水鳥影同飛與鷗分渚泊邀月共船眠牕月燈  
昏見岩泉雨歇聞水清明白鷺花落失青苔曳杖雲  
同出開簾山自來寒塘倒山影空谷答樵歌七言之  
泉石定非騎馬路功名不上釣魚舟水禽與我共明  
月蘆葉同誰吟晚風隔浦人家漁火外滿江秋思笛  
聲中小窗半夜青燈雨幽樹一庭黃葉秋澗暗只聞  
泉滴瀝山青賸見路分明幾畝桑麻春社後數家鷄  
犬夕陽中則頗得晚唐佳處矣一邱一壑足資延賞



真山民詩集序

括蒼真山民善詩其族子伯源出小藁授予予於他  
文章無所畏獨畏詩每見詩人輒如懸衡而俯今讀  
山民詩俯滋甚其集中古體如拙歎醉臥牧兒等篇  
造次未易到五七言律最高試摘一二如亂峯相出  
沒初日乍陰晴蟋蟀數聲雨芭蕉一寺秋雨句一意  
讀之得古人風如聽雨寒更盡開門落葉深風蟬聲  
不定水鳥影同飛牕月燈昏見巖泉雨歇聞白沙難  
認月黃葉易爲霜皆盡寫物之妙如商嶺定無屠狗  
客雲臺豈有釣魚人欲談時事佛無語不管客愁禽  
自啼水禽與我共明月蘆葉爲誰吟晚風皆奇語如  
陳書邀我共高閣濁酒勸人歸醉鄉泉石定非騎馬

真山民詩集  
路功名不上釣魚鉤皆新語讀至歲暮一聯云一年  
又是等閑過百歲只消如此看爲之撫几擊節夫律  
詩最難工在唐人已難之況今承各大家數之後好  
意說盡好語道盡如釀酒然前者取其醇後者取其  
醱取之不已今不知其第幾醱矣欲追古作豈不難  
哉而山民詩集之精如此計其苦心非一日之積矣  
後進之士宜得如山民者而師之伯原文忠公嫡玄  
孫文忠之先本括人中徙建與山民同祖將勉其鏡  
梓以廣其傳且徵予敘予穉不工詩未嘗敢輕序他  
人詩今予序豈以欣一真山民哉後進之士知予之  
不輕序而序之也則又可以尋常詩卷例之哉元大  
德三年丙午夏董師謙序

真山民先生詩集小引

嘗稱詩不在縉紳而在布衣蓋謂涉略有淺深臭味有雅俗也此猶就詩而論也真子之稱山民不寧惟是丁宋元之際不屑仕進甘心石隱其節有足多者況詩又真得布衣之風乎高襟遠韻具見是帙自幽尋雅賞之外絕不作江湖酬應語故所著不廣是以少許勝人多許者所謂千羊之皮不如一狐之腋也李生喬嘗稱不愧西山乃祖使非此語幾不知山民爲何人斯雖然昔獻子之友五人裘牧而下莫可蹤覈迄今高之則西山反爲山民累矣其才情當在林君復之上識者鑒之潘是仁識

吾所之之上...

薄亦合高之...

孤竹人...

李主喬...

少若...

琴...

我...

長...

有...

...

真山...



徐氏筆精云偶於陳幼孺案上檢破冊一帙糜爛醯  
雞前後俱損失不存姓氏幼孺云此冊得之邵武仁  
壽寺僧寮中多佳句如蜂王衙早晚燕子社春秋煙  
碧柳生色燒青山返魂白沙難認月黃葉易爲霜棠  
醉風扶起柳眠鶯喚醒檻低簷礙月窗破紙吟風與  
鷗分渚泊邀月共缸眠窗月燈昏見巖泉雨歇聞花  
影掃不去草根鋤又生風竹有聲畫石泉無操琴許  
猿分野菓留鶴守雲林水清明白鷺花落失青苔飛  
花遊蕩子古木老成人途窮身是累痛定語猶悲葉  
深林掛綠花落地生香蕉葉捲舒雨鳩聲問答春七  
言如雲開遠嶂碧千疊雨過落花紅半溪塵書邀我  
共高閣濁酒勸人歸醉鄉碑因藤蔓無完字城爲田

侵失舊基氣增浙左霜威勁面帶終南山色寒書猶  
能看未爲老詩亦莫吟方是閒寬着庭除貪貯月少  
栽竹樹要看山廊下蝸粘沿砌蘚佛前蜂戀插瓶花  
青山隔絕市朝面白髮消磨豪傑心雕鏤花柳春無  
迹沐浴山川雨有恩花影忽生知月到竹梢輕響覺  
風來皆自剏新意雖有酸餡氣亦可喜向不知誰作  
近讀元人詩中有真山民一卷即此詩也山民西山  
先生齋

宋詩鈔云真山民不傳名字亦不知何許人也但自  
呼山民云李生喬歎以爲不愧迺祖文忠西山以是  
知其姓真矣痛值亂亡深自湮沒世無得而稱焉惟  
所至好題咏因流傳人間然皆探幽賞勝之作未嘗

有江湖酬應語也不惟吳許上通於天即自命遺民  
而以詩文名當世者視山民才節亦足愧耻矣張伯  
子謂宋末一陶元亮非過論也





宋志

卷一

真山詩集卷一  
宋志  
卷一  
真山詩集卷一  
宋志  
卷一

真山民詩集目錄

龍泉縣志本傳

四庫全書提要一則

四庫全書簡明目錄一則

董師謙序

潘是仁小引

筆精一則

宋詩鈔一則

五言古詩

拙歎

入山

征婦辭

山間醉臥

牧兒

山中雲

山中月

山中梅

山中松

贈陳意山

雜言古詩

牧兒歌

陳雲岫愛騎驢

五言律詩

幽居雜興

新春

光霽閣晚眺

福興寺

春遊次胡叔芳韻

長橋寓舍陋甚

夏晚江行

修真道院訪崔道士

冬夕

武夷送鮑舜俞登舟道雪之維揚

山亭避暑

三山旅夜

枕上偶成

真山詩集  
目錄  
泊白沙渡

兵後寓舍春望

夜話无上人房

獨坐

江村秋晚

春日

曉行山間

山間次李芳叔韵

春感

報恩觀

春曉園中

曉發浦城

道逢過軍投宿山寺

山家

溪行

渡江之越宿蕭山縣

山中秋夜

除夕約張梅境飲

宿寶勝院

閑居

舟中

樓居

蘭溪舟中

兵後劉秀實見過

真山詩集  
目錄  
三  
清明日

臨江曉行

寄程月蓬

峽口舟中

次韵章劍溪山居

福清河頭晚步

夏日

歲除寄王中齋

秋晚

孤標上人留宿

呂謙山潘恕堂秋日郊行分得雲字

書感

行甌寧山間

宋道士同遊白雲閣

妙因寺次施敬所韻

晚春

山村

冬日山行

田家

新涼

村行

紅樓秋夕

李方叔寓居僧房

舟次平州

真山詩集  
目錄  
初夏訪劉道士

九日永嘉

春行

李修伯山居

郊行

七言律詩

元日雪晴

西溪春行

隱懷

遊鳳棲寺即事

漁浦晚秋旅懷

泊舟嚴陵

永嘉望草堂

蓮城春夜留別章劍溪

夜坐

初冬

秋夜飲雙清樓送鮑舜俞遊杭

春曉山行

東粵廟

歲暮

燕子

閑中漫戲

縉雲送李質文歸金華

宿南山寺

歲朝

春曉雨寒

西湖圖

南劍水東臨清亭秋望

元帥魏宣慰提兵下邑首謁文宣廟時聞將  
有平章之命

幽興

玉峯寺

江頭春日

次韻潘恕堂見寄

初夏

王廉使

春初頗動遊興呈耕雲叔祖

閑居初冬

幽棲

讀劉元城言行錄

次韵李林居春晚遊園

聖果院訪忠上人不值

山行

秋夜次葉一山韵

杜鵑花得紅字

客中臨歸仍送游教諭歸

自適

醉題齋堂壁

客中遇鄉友季芳遠歸省親

山人家

劉柏山寄隱

書歎

盧宰祈石馬龍湫得雨

朱溪道間

翁丹山別業其子本中剛中請之儒臺署曰

丹山書堂

閑中

送張雲泉入山

冬暮山齋

留槎閣秋望

春行

夜飲趙園次徐君實韻

永嘉秋夕

述懷

留槎閣寓感

五言絕句

梅仙山

螢火

蜜蜂

看書自歎

明皇

泊水口

草木口

百舌

訪李廷玉不值

八詠樓

秋扇

七夕

七言絕句

楊妃

水墨海棠

三月晦日與邵古心諸友閑遊東園分韻得

空字

年少春遊

山間早春

三月晦日

晚步

春歸詞

山間秋夜

新年

越王山

次韵邵古心春遊阻雨

醉餘再賦

觀音閣前梅花

春靜山行

初夏

讀明皇羯鼓錄

錢塘懷古

吳王夜宴圖

九日

高帝

跋

謝也

三尺朝日

山間早春

真山民詩集

五言古詩

拙歎

一拙縛四體百不能鄙事少也棄農桑妄意學畫字  
毛錐七寸管錯認作耒耜紙田日已荒惟悴飢欲死  
飢死信可憂飽死亦可恥嗒然空山中嚼梅漱玉水

入山

幽泉有歡聲呼我來澗谷白雲有喜容招我入林麓  
泉以洗我心雲以娛吾目萬鍾夢不到一簞志亦足  
紛紛聲利場疾鞭日相逐達人付大觀等是一蕉鹿  
軒裳豈不榮受榮不酌辱君看華亭鶴何似商山鶴

征婦詞

妾年方及笄嫁與征戍兒結髮未半載已與郎別離  
一上關山道三見秋風時秋風吹過雁猶作一雙飛  
如何寒月影只照妾孤幃空將羅帶手年年縫征衣  
若知別郎早何不嫁郎遲憶昔別離日送郎江之湄  
江上有回潮獨郎無歸期

山間醉臥

林下松花香釀出一壺醪風月兩佳客不待折簡召  
醉歌山鳥聽醉倒山花笑八荒大枕席千古一昏曉  
醉心名利人與我不同調

牧兒

飲牛山下溪騎牛山上路但知騎牛樂不見牧牛苦  
一笛倚風吹有聲無曲譜日暮歸去來南山北山雨

山中雲

我愛山中雲日日相往還迹與人俱嬾心與人俱閑  
有時抱幽石伴我林下眠豈不能爲霖安肯輕出山

山中月

我愛山中月炯然掛疎林爲憐幽獨人流光散衣襟  
我心本如月月亦如我心心月兩相照清夜長相尋

山中梅

我愛山中梅根幹日以蒼猶如古顏色不作時世粧  
天寒空谷中澹焉守幽香寄聲語春風此非桃李場

山中松

我愛山中松歲月歷已深冰雪凍不死偃蹇岩之陰  
雖然石底棄幸免斧斤尋時時清風來松頭自微吟

贈陳意山

白雲澹空山紅塵鬧朝市朝市入吾心雲山笑人矣  
所以山間人但看意何似既有意中山必無山外意

雜言古詩

牧兒歌

水濺濺草芊芊牧牛誰家兒騎牛過前川牛自飽兒  
自閑長歌悠悠白雲間朝騎一牛去暮騎一牛還兩  
脚不踏紅塵邊寸心不受名利率蒨笠帶春煙不知  
何物爲貂蟬渴影澗邊泉不知何人食萬錢從渠沙  
隄金馬日朝天我自斜陽困倒牛背眠

陳雲岫愛騎驢

君不學少陵騎驢京華春一生旅食長悲辛又不學

浪仙騎驢長安市淒涼落葉秋風裏却學雪中騎驢  
孟浩然冷濕銀鞵敲吟鞭梅花溪上日來往身迹懶  
散人中仙有時清霜松下路松風蕭蕭驢耳豎據鞍  
傲兀四無人牧子騎牛相爾汝勸君但騎驢行路穩  
姑徐徐九折畏途鞭快馬年來曾覆幾人車

五言律詩

幽居雜興

松桂小菟裘山扉幽更幽蜂王衙早晚燕子社春秋  
鬢禿難遮老心寬不貯愁年來把鋤手無復揖公侯

新春

餘凍雪纔乾初晴日驟寒人心新歲月春意舊乾坤  
煙碧柳回色燒青草返魂東風無厚薄隨例到衡門

光霽閣晚眺

一閣納萬象危欄俯渺茫  
白沙難認月黃葉易爲霜  
宿鷺投煙嶼歸樵趁野航  
孤吟誰是伴漁唱起滄浪

福興寺

爲厭市喧雜攜詩來此吟  
鳥聲山路靜花影寺門深  
樓閣莊嚴界池塘清淨心  
松風亦好事送客出前林

春遊次胡叔芳韻

春光潑眼明占勝得新亭  
棠醉風扶起柳眠鶯喚醒  
非無杯泛綠安得鬢留青  
且事日爲樂歌聲莫暫停  
長橋寓舍陋甚

幽棲如仲蔚一徑沒蓬蒿  
地窄眼偏闊門低氣儘高  
尚能非國語何用反離騷  
窮達都休問居安亦勝勞

日暮夏晚江行  
行盡沙頭路江空帶夕暉  
風蟬聲不定水鳥影同飛  
蕭散烏藤杖輕鬆白紵衣  
試問垂釣者分我半苔磯

脩真道院訪崔道士

時崔年九十有九健甚  
國粹本無此九字注

竹扉蒼蘚墻林下小丹房  
風定鑪煙直日斜簾影長  
淪茶泉味冽點易露痕香  
安得棲塵外求師却老方

冬夕

寒鑪灰撥盡借問夜何其  
舊友青燈在

友作  
夢

新愁白

髮知昔爲三遶鵲今作六藏龜  
多謝梅梢月留人得

睡遲

武夷送鮑舜俞登舟道雲之維陽

一雨大溪滑快哉君此行  
心隨征路遠身共去帆輕

到雲定何日渡淮知幾程男兒重意氣不作別離情

山亭避暑

怕礙清風入可嚙莫下簾地皆堪避暑人自要趨炎  
竹色水千頃松聲風四簷此中有幽致多取未傷廉

三山旅夜

獨坐本無況淒涼更旅中屋低簷礙月牕破紙吟風  
鄰館笛三弄譙樓鼓二通引觴聊自遣新荔擘輕紅  
枕上偶成

長夜耿難曉天寒吟思清夢魂山館枕燈影雪牕檠  
守拙疎生理居貧失世情淒風響簾竹豈是不平鳴

泊白沙渡

日暮片帆落渡頭生暝煙與鷗分渚泊邀月共舡眠

燈影漁舟外，湍聲客枕邊。  
離懷正無奈，況復聽啼鵑。  
兵後寓舍春望

觸景多懷舊，凭高易愴神。  
飛花遊蕩子，古木老成人。  
世換山如昨，田荒草自春。  
鄉關渺何處，回首暗風塵。  
夜話无上人房

蒲團一榻上，坐到夜將分。  
牕月燈昏見，巖泉雨歇聞。  
甌茶勝飲酒，禪語當論文。  
只恐紅塵迹，宛師松下雲。  
獨坐

寒齋澹無味，孤坐思悠悠。  
悠悠時事三緘口，年光一轉頭。  
有書遮老眼，無藥療閑愁。  
假使丹心在，衰遲也合休。  
江村秋晚

老荷疎柳外，風景日蕭騷。  
山遠見天闊，溪乾覺岸高。

斜陽明野屋寒意上征袍短髮渾如許愁來不柰搔

春日

韶光今幾許我欲問流鶯花影掃不去莫根鋤復生  
心空諸妄息身老萬緣輕正是春風好幽蘭不肯爭

曉行山間

出門誰是伴只約瘦藤行一二里山徑兩三聲曉鶯  
亂峯相出沒初日乍陰晴僧屋在何許隔林鐘磬聲

山間次季芳叔韻

好山多在眼塵事少關心風竹有聲畫石泉無操琴  
許猿分野菓留鶴守雲林不是閑邊客誰來此地吟

春感

春光元自好我却爲春愁但見柳青眼不知人白頭

一身浮似寄百歲去如流賴有芳樽在花前日醉遊  
報恩觀

出城東復東步入古琳宮蟬似談玄妙花應悟色空  
池分秋草碧樓接暮霞紅涼滿脩廊早荷花兩袖風  
春曉園中

綠陰留我立清曉小園東林外一鳩雨柳邊雙燕風  
吟懷愁渺渺春事去匆匆莫恨芳菲盡葵榴花又紅  
曉發浦城

晨鷄一再唱詩擔去匆匆天曙星河淡樓高鼓角雄  
征衣溪驛霧吟鬢石橋風望望家山近明朝浙水東  
道逢過軍投宿山寺

窮途欲焉往迫暮此相投蟋蟀數聲雨芭蕉一寺秋

身山詩集 卷一  
鄉關來枕上時事在眉頭長羨爲僧樂僧今亦說愁

山家

巖際屋嶽嶽寒雲護竹籬嵐深長似雨泉小不成池  
野菜半藍薤山花幾樹梨相過話農圃豈不勝言詩

溪行

春暖溪西路行吟又幾回水清明白鷺花落失清苔  
雲走日吞吐樹搖風往來漁歌聽未了欲去重徘徊

渡江之越宿蕭山縣

昨夜大江舟今宵小驛樓隻身千里客孤枕一燈秋  
市酒難成醉鄉書莫寄愁胸中無史記浪作會稽游

山中秋夜

放迹儘逍遙居山不寂寥煙松秋水墨風竹夜笙蕭

聊學散人散底須招隱招鼎鐘從汝飽吾自有簞瓢  
除夜約張梅境飲

今夕又除夕君能爲我來燭花紅照席酒浪綠搖杯  
藕帶吟愁去春隨笑面回相看俱健在莫管歲華催

宿寶勝院

苦吟吟未了只向兩廊行月去塔無影風來鐸有聲  
禪心隨水淨佛眼共燈明安得雲邊住與僧分此清

閑居

虛明兩竹牕清楚一書房風動鳥移樹花香蝶過墻  
身安知病少晝靜覺春長未必全無事終焉也勝忙

舟中

開蓬散暮愁蘆葉冷蕭颯水嚙將崩岸灘征欲上舟

風波行客老歲月逝川流歸去知何日丹楓又一秋

樓居

攜書纔過此便覺不塵埃簷冷留雲宿牕明報月來  
閑愁山隔斷幽夢鳥呼回湖海元龍氣從渠俗子猜

蘭溪舟中

一舸下中流西風兩岸秋櫓聲搖客夢帆影掛離愁  
落日魚鰕市長煙蘆荻洲篙人夜相語明發又嚴州  
兵後劉秀實見過

冉冉歲云暮問君安所之途窮身是累痛定語尤悲  
衰鬢數莖雪空囊一卷詩儒衣到如此惜也不逢時

清明日

清明今日是原上一經過新葬塚無數未來人更多

此生曾悟否不樂復如何莫待澆墳土樽前且醉歌

臨江曉行

茅舍亂鷄聲疎林見淡星霜輕留草碧霧暗失山青  
蹤跡去來燕交游聚散萍浮生原是客不必恨飄零

寄程月蓬

國粹本作  
郊月蓬

煙波秋水外活計一漁篷淡月明寒葦新霜醉曉楓  
身雖殊出處道豈計窮通俯仰看人面何如數過鴻

舟中峽口

亂山如壁立處處見鷓花水漲旁分港舟行倒走沙  
宿依沽酒店飯近釣魚家喜脫風波險推篷數暝鴉

次韻章劍溪山居

想無書赴隴林鶴莫驚猜曳杖雲同出開簾山自來

池堪供洗硯籬不礙觀梅靜倚長松立藤花點碧苔  
福清河頭晚步

河橋聊散步暑退晚風清舡動迎潮到雲開讓月行  
兩坊人語靜一塔佛燈明未盡凭欄興誰樓又起更

夏日

牕虛暑亦涼境靜晝偏長柳色煙明滅蟬聲風抑揚  
家貧書是業身老睡爲鄉赤日紅埃客紛紛爲底忙

歲除寄王中齋

徂歲已匆匆何人似此翁事雖隨世異道不與冬窮  
身老心猶壯鬢斑臉自紅梅花一杯酒明日又春風

秋晚

暮色入庭臯霜風拂鬢毛笛聲催日落詩興挾秋高

謝絕南柯蟻留連左手熬孤燈竹牕底危坐一歌騷  
孤標上人留宿

山僧留我宿我亦似山僧香茗半甌雪寒壑一筇冰  
廊風響黃葉壁雨暗青燈參透詩三昧何須問上乘  
呂謙山潘恕堂秋日郊行分得雲字

出郭四五里居然遠市紛秋聲因樹起村路過橋分  
漁屋住臨水樵歌響入雲茅簷坐田叟應笑我談文  
書感

江湖雙倦脚山澤一癯儒豈信毛錐子不如金僕姑  
道之將廢也人莫我知夫或者非材棄天其壽散樗  
行甌寧山間

崎嶇經澗壑迤遞出郊原坭潤鹿留跡岸懸樹露根

犁鋤雲外塢井白竹邊門纔轉前峯去梨花又一村  
宋道士同游白雲閣

偶攜方外客來入白雲關八九峯如畫兩三人倚欄  
棋聲疎竹裏簾影落花間一曲瑤琴罷翠陰生晝寒  
妙因寺次施敬所韻

松蘿一徑陰踏破白雲深約客分茶供逢僧倚竹吟  
鼠留香篆跡禽和閣鈴音話久不知晚新螢照出林

晚春

有恨青春老無營白日長葉新林換綠花落地生香  
雨意一番足人家百事忙爲儒竟成誤悔不早農桑

山村

幽徑一兩里亂峯三四重野溪春水碓山寺晚風鐘

秧穀田家急梨花村酒濃嗟予因漂泊無地寄塵蹤

冬雪山行

雪凍飛禽少林深落葉多寒塘倒山影空谷咎樵歌  
不有梅花在其如詩思何霜風吹帽側應笑鬢絲皤

田家

煙火林幽處田家秋暮時深村人到少閏月稻黃遲  
旋決渠分水新編竹補籬地鑪煨芋栗莫遺貴人知

新涼

新涼隨過雁昨夜到西樓梧葉一牕雨菱花兩鬢秋  
琴堪爲老伴酒不了真愁團扇曾知否非時自合休

村行

清曉一藤杖駕言隨興行溪流下灘響山路到村平

身山詩集 卷一 十一  
探燕社遲早卜鳩天雨晴徜徉聊自遣半亦爲詩情

江樓秋夕

樓高古城遶無奈漏頻催幽夢風吹破新吟月送來  
江長漁唱遠雲冷雁聲哀明日重陽酒黃花開未開

李方叔寓居僧房

紙帳白藤牀幽邊興極長石雲生夢濕野草入詩香  
地豈無箕穎人皆可綺黃君如僧有髮正合住禪房

舟次平洲

亭午泛中流推篷古渡頭沙眠牛向背波浴鷺沈浮  
纜直航相接筒橫釣未收順風溪更滑瞬一又平洲

初夏訪劉道士

白雲隨杖履伴我到山房暑薄疑天別林深見路長

尤芝皆道味花竹亦詩香更待荷風後來分半榻涼

九日永嘉

佳節仍重九羈游尙永嘉却因今日菊還憶故園花  
心醉愁邊酒身歸夢裏家西風吹鬢冷獨立對棲鴉

春行

春風物物新花外步清晨蕉葉卷舒雨鳩聲問答春  
園林三月景詩酒百年身試數舊遊侶如今有幾人

李脩伯山居二首

俗子自不到幽扉何必屨石苔和月臥山雨雜泉聽

有髮從斑白

從作徒

無名人汗青未應閑此手尙可草

玄經

寒燈幾撥盡借問夜何其舊夢青編在新愁白髮知

昔爲三繞雀今作五藏龜多謝梅梢月留人得睡遲

郊行

春曉南郊路依依見耦耕和風平地發殘月半山橫  
古寺鐘催客前村犬吠行鷄鳴星斗散漸漸入方明

七言律詩

元日雪晴

紅日曛曛紫翠煙東風吹暖轉寅前山川留雪明雙  
眼鼓角迎春下九天梅帶寒香成隔歲酒和臘味入  
新年夢中昨夜吟情動便在池塘花草邊

西溪春行

兩袖春風一杖藜等閑踏遍柳橋西雲開遠嶂碧千  
頃雨過落花紅半溪青旂有情邀我醉黃鶯無恨爲

誰啼東風正在桃林外多少遊人逐馬蹄

隱懷

樣不趨時便合休却將往事付東流眼看浮世自今  
古迹與孤雲同去留泉石定非騎馬路功名不上釣  
魚鈞有時得句無人問只與樵歌共唱酬

遊鳳棲寺即事

十載重遊古鳳棲連營新遶綠楊堤欲談時事佛無  
語不管客愁禽自啼苔滑空廊妨散步塵昏老壁失  
留題僧家田地軍家種菜甲春風翠滿畦

漁浦晚秋旅懷

西風吹作越中遊剪剪輕寒入短裘雁字不將鄉信  
寫蛩聲空和客吟愁郵亭冷雨孤燈夜漁市斜陽一

笛秋是處山川即吾土仲宣何用怯登樓市陰關一  
西風泊舟嚴陵

天色微茫入眼鐘嚴陵湍上繫孤蓬水禽與我共明  
月蘆葉爲誰吟晚風隔浦人家漁火外滿江秋思笛  
聲中雲間休望飛鴻影身亦天涯一斷鴻

十建永嘉望草堂

國粹本  
望作夢

留得斯堂萬古名江山不敢闕英靈池光曾染吟邊  
墨草色猶如夢裏青南史詩香流未歇永嘉魂冷喚  
難醒當時園圃俱陳迹惟有鳴禽尙可聽

不蓮城春夜留別章劍溪

飛絮遊絲客子心蓮城那忍遽分襟青燈應見詩情  
苦濁酒不如交味深一榻暖風棲竹屋半欄淡月立

花陰離懷今夜先收拾盡付明朝馬上吟

夜坐

匹馬平生汗漫遊如今寂寞老林邱  
小牕半夜青燈雨幽樹一庭黃葉秋  
懶看世情晨睡去怕傷時事暮吟休  
寒蛩可是知人意未向莎根共說愁

初冬

林葉新經數夜霜地爐獨擁一山房  
陳書邀我共高閣濁酒勸人歸醉鄉  
費省家貧還似富身閑日短亦如長  
梅花苦欲催吟興又破梢頭半點香

秋夜飲雙清樓送鮑舜俞遊杭

別去湖山又兩秋西風依舊送君遊  
今宵同把此杯酒後夜孤眠何處樓  
鐵硯不磨真鑄錯玉簫堪聽柰

吟愁臨分多少襟期話共對黃花莫說愁

春曉山行

風掃連陰乍快晴瘦筇伴我出柴扃路從初日紅邊  
去人在野花香裏行古木殊無趨世態幽禽懶作弄  
春聲棕鞋踏遍山南北只與白雲相送迎

東粵廟

頽簷斜照網蛛絲陳迹淒涼萬古悲柘水尚鳴亡國  
怨山松曾見受封時碑因苔蝕無完字城爲田侵失  
故基當日東甌知幾戰如今贏得一荒祠

歲暮

顏不常朱鬢易斑流光難住兩跳丸一年又是等閑  
過百歲只消如此看把酒何曾長在手種花能得幾

凭欄癡人醉夢不知醒  
日夜雙眉抵死攢  
人翻封翠  
如翹燕子未如萍  
姓亦味  
夢尙斷  
干柴如苦  
暈此辭  
花柳江南春晝遲  
烏衣巷口見烏衣  
不知新歲光陰  
換猶傍舊家門戶飛  
故壘可憐存者少  
主人還復是  
耶非  
酒旂戰鼓東風市  
心事淒涼寄落暉  
風翻華土  
畫角閑中謾賦  
斜倚手  
喜  
涼氣  
滋味  
吟轉  
米  
霖  
紛紛裘馬走紅塵  
賴得閑邊可著身  
商嶺定無屠狗  
客雲臺豈有釣魚人  
溪山蕭散青芒履  
風月夷猶烏  
角巾  
萬事如碁君看取  
一番局面一番新  
本  
飛  
愁  
衣  
野  
氣  
縉  
雲  
送  
李  
質  
文  
歸  
金  
華  
計  
留  
留  
留  
邊  
公  
來  
半  
風  
身迹風中雨短篷  
相逢恨不少  
從容殘蟬說盡離情  
話別酒釀成行色  
濃寂寞郵亭三疊曲  
崎嶇世路一

枝筇遙知明日相思處山隔白雲千萬重

良夜宿南山寺

國粹本  
山作峯

禪房花木鎖深幽借與詩翁信宿留幡影分來半廊  
月鐘聲敲破一林秋僧偏好事能青眼佛本無愁亦  
白頭試問青松峯外鶴閑邊曾是幾人遊日夷離島  
畫角聲中舊歲除新年喜氣滿屠蘇陽和忽轉冰霜  
後元日猶如天地初曉色催詩歸草夢春風隨筆上  
桃符閑門賀客相過少靜對梅花自看書人豈對長  
破曉簷花未放乾披衣和夢倚欄干染成苔暈地猶  
濕老盡鶯花風正寒無客醉敲金鐙響有人睡怯翠

衾單牡丹一夜成消瘦下却朱簾不忍看

西湖圖

要把錢塘遺跡觀湖天尙可寄毫端染成蘇柳眉應  
恨幻出逋梅心亦酸歌舞六朝春夢斷丹青一幅世  
人看岳墳葛嶺依然在感慨興亡却兩般

南劍水東臨清亭秋望

簷牙飛出白雲間俯瞰浮梁枕碧湍水勢兩來樵建  
遠劍光雙射斗牛寒參差坊巷沿秋渚杳藹樓臺銷  
曉巒收拾一州歸眼底只將詩當畫圖看

元帥魏宣慰提兵下邑首謁文宣廟時聞將有

平章之命

萬甲蟠胸老氣雄將星光照海雲東聲名宣慰裴中

立地步平章韓魏公大燾高牙山水縣褒衣博帶藻  
芹宮書生端爲斯文喜俎豆先行軍旅中

幽興

不賦千鍾賦一簞天公有意養癡頑書猶能看未爲  
老詩亦莫吟方是閑寬築庭除貪貯月少栽竹木要  
觀山空階兩日無行跡又上苔花幾點斑

玉峯寺

國粹本  
玉作三

寂寞煙林噪亂鴉青鞵步入野僧家雲深不礙鐘聲  
出日轉還移塔影斜廊下蝸黏沿砌蘚佛前蜂戀插  
瓶花竹牀紙帳清如水一枕松風聽煮茶

江頭春日

風暖旗亭煮酒香醉醒始悟是他鄉駕言行邁路千

里豈不懷歸天一方春事漸隨鶯語老離愁偏勝柳  
絲長無聊莫向城南宿淡月梨花正斷腸

次韻潘恕堂見寄

抱甕區區老漢陰空齋掩鼻日長吟青山隔截市朝  
面白髮銷磨豪傑心書已無成休學劍貴雖可買恥  
言金情知不入鵝鸞樣賴有鷗盟尙可尋

初夏

一夜薰風帶暑回只添濃翠與庭槐

按四朝詩作雨  
天濃翠暗庭槐

不隨

春去鶯猶在好競時光榴又開刀尺旋裁新白紵盃  
盤聊荐小青梅篋中蒲扇投閑久依舊團圓入手來

王廉使

鼻祖名高三諫官蘭孫玉立出臺端氣爭浙右霜威

身山詩集 卷一 十六  
勁面帶終南山色寒攬轡肯教狼臥道歸朝便合豸  
峨冠公餘詩思清如雪細嚼梅花入肺肝

春和頗動遊興呈耕雲叔祖

節近清和景漸暄自摩倦眼望前村雕鏤花柳春無  
迹沐浴山川雨有恩憶昔踏青終日飲如今垂白幾  
人存未應便作衰遲看藉草猶堪倒一樽

閑居初冬

一架琴書一葦牀杜門荏苒送年光囊空儘可償詩  
債脚倦猶堪入醉鄉既老菊花偏耐久未開梅萼已  
先香眼前管領閑風月不識人間更有忙

幽棲

鶴護松扉久不開蒲團堅坐思悠哉故交只向夢中

見閑事不經心上來  
雙屐躡雲春採藥  
一筇掛月夜  
觀梅清風似見山  
童懶自爲幽人掃徑苔

讀劉元城言行錄

一掃權奸十九章  
九州不憚歷炎荒  
黃梁富貴百年  
短青史是非千載長  
丞相雖存心已死  
先生旣葬骨  
猶香向令鐵漢常  
留在天下何緣有靖康

次韻李林居春晚遊園

滅沒朝曦弄淡晴  
追隨杖履竹間亭  
花迎酒侶容先  
醉柳見詩人眼剩青  
三月光陰半流水  
百年身世一  
浮萍  
啼鶻只管催春去  
不道衰翁已怕聽

聖果院訪忠上人不值

管領東風入杖藜  
落梅香裏過招堤  
苔痕一徑白雲

真山居士詩集 卷一 十一  
濕花影半牕紅日低欲見高僧聊爾耳便乘餘興去  
來兮葛藤有話無人共付與隔林幽鳥啼

山行

林梢初日弄陰晴露濕幽花笑欲迎澗暗只聞泉滴  
瀝山青剩見鷺分明遠峯忽轉還如遶險徑徐行亦  
似乎莫恨詩成無與和風篁也解作吟聲

秋夜次葉一山韻

自笑秋來似轉篷偶然飛落故山中一燈幽館菊花  
雨孤枕小樓梧葉風涉世悠悠旋磨蟻懷人渺渺寄  
書鴻浮生何預光陰事底事相催作老翁

杜鵑花得紅字

愁鎖巴雲往事空只將遺怨寄芳叢歸心千古終難

白啼血滿山都是紅枝帶翠煙深夜月魂飛錦水舊  
春風至今染出懷鄉恨長掛行人望眼中

客中臨歸仍送游教諭

建括相望天一涯快哉此地話襟期芹邊春暖幾杯  
酒梅外月高千首詩去去先生此休矣棲棲遊子暮  
何之送行折了郵亭柳歸臥白雲歌紫芝

自適

年來心迹兩悠悠若比孤雲儘自由既不貪榮安有  
辱縱饒無樂亦何憂一絲風月嚴陵釣千里關山季  
子裘到底行藏定誰是試將心事問沙鷗

醉題齋堂壁

此是閑中安樂窩從渠忙處自奔波人心少似秋胡

婦世事消參春夢婆但把功名齊蟻垤定無榮辱到  
漁簑醉鄉境界偏寬闊天地都歸一浩歌

客中遇鄉友季芳遠歸省親

河梁邂逅話襟期獵獵西風透袂衣酒臉未隨紅葉  
醉鄉心先逐白雲飛客中送客難爲別山上安山胡  
不歸借使家書君可寄此生無復問庭闈

向之山人家

片雲隔斷塢西東三兩山花屋角紅幾畝桑麻春社  
後數家鷄犬夕陽中拾薪澗底青裙婦倚杖簷間白  
髮翁我亦願來同隱此種桃早晚趁東風

劉柏山寄隱

寄隱幽蹤何處尋春風十里薜蘿深青山不說是非

事黃鳥自賡長短吟百折畏途休著脚十分明月是  
知心不應輕放桃花出惹得漁翁話古今

書嘆

無復春風上玉京一簞窮巷腐書生丹心却被老磨  
盡白髮只緣愁染成試問雕蟲乖世用何如汗馬取  
時名趨昏兩目知何憾但負韓公三尺檠

盧宰祈石馬龍湫得雨

不憚崎嶇石馬行知公端可質幽明旱旣太甚魃爲  
虐水不在深龍則靈一穗爐薰心事白千原膏潤稻  
苗青何由借取坡翁筆來記吾邦喜雨亭

朱溪道間

路轉峯回又一村天寒大半掩柴門雲融山脚嵐生

翠水嚼沙洲樹出根任擁重裘風亦冷未投荒店日  
先昏今宵只傍梅花宿贏得清芬入夢魂

翁丹山別業其子本中剛中請之儒臺署曰丹  
山書堂

作室懸知要肯堂乃翁家學頓增光一朝冠佩儒簪  
盍千古詩書屋壁香鑑曲烟霞歸羽館鍾山風月落  
禪房何如只揭精廬扁解屬斯文氣焰長

閑中

敢咎章縫解誤人甘於閑處着閑身腹中書在溫仍  
熟夢裏詩成記不真引鶴徐行三徑曉約梅同辭一  
壺春今朝有喜誰知得新換頭銜號散民

送張雲泉入山

薜蘿叢裏鬱青青別是幽棲一段清水色山光皆畫  
本蟬聲鳥語亦吟情人心不改衣冠古道重方知富  
貴輕爲語俗交休見問已從麋鹿訂新盟

冬暮山齋

布襪青鞋做絮袍松扉柴几小衡茅雲酣纔釀雪三  
日梅吐又橫春一梢炭爲驟寒偏索價酒因不飲懶  
論交窮年兀兀從人笑未用多方作解嘲

留槎閣秋望

龍泉邑志作  
題濟川橋

十二闌干百尺梯登臨洗盡眼中埃沙痕長與水吞  
吐橋影不妨舡往來兩岸樓臺隨世換四山圖畫自  
天開槎邊今古無窮思都付西風酒一杯

春行

據佩文齋詠  
物詩選補入

短帽輕衫步履遲微喧天氣乍晴時池融嫩碧銷殘  
凍春剪新紅綴舊枝嵐氣滴衣堪入畫禽聲到耳足  
供詩東風苦欲招人醉頻掉橋西賣酒旗

夜飲趙園次徐君實韻

以下二首據  
宋詩鈔補入

銀臺絳蠟淚成堆四面軒窗盡放開花影忽生知月  
到竹梢微響覺風來豪揮彩筆詩千首醉倚紅妝酒  
百杯游玩未闌歸未得高城漏箭幾聲催

聲作  
相

永嘉秋夕

風戰枯桐敲紙窅擁裘無寐夜偏長譙樓三鼓夜將  
午雲雁數聲天正霜寓世此身驚逆旅寬懷何處不  
吾鄉江頭風景日堪醉酒美蟹肥橙橘香

述懷

據國粹  
本補入

不敢尤人敢怨天  
愁來覓酒醉來眠  
五窮有鬼偏相虐  
九轉無丹別自全  
遊食懼違新下令  
力耕苦乏舊存田  
靈臺坐受憂兵觸  
荏霜華剝鬢玄

留槎閣寓感

據龍泉縣志補

俯仰乾坤爲一嗟  
西風原上夕陽斜  
石麟已換延陵塚  
銀漢今無博望槎  
前古英雄俱寂寞  
黃昏燈火自諳譁  
不惟人事年年改  
近日靈洲水沒沙

五言絕句

梅仙山

梅福鍊丹地

西都知不壽  
安用獨長年  
縱有丹爐在  
難噓漢火燃  
螢火

微蹤一腐草  
霜重不禁秋  
想悟浮生短  
常爲秉燭遊

蜜蜂

釀成百花脾聊亦充口腹人知口中甘誰料腹中毒  
觀書自嘆

皓首抱遺經堪憐誤一生空供蠹魚飽自作恐飢聲  
明皇

一曲伊涼罷逡巡又馬嵬驪山遊未足頃入蜀山來

泊水口

國粹本作  
吉水夜泊

入夜始維舟黃蘆古渡頭眠鷗知讓客移過蓼花洲  
移作  
飛

草

草枯根不死春到又敷榮獨有愁根在非春亦自生

百舌

花間報曉晴巧弄百般聲未可嫌饒舌猶勝雁不鳴

訪李廷玉不值

國粹本  
作李廷

白雲滿空山山空人未歸柱杖莫敲門恐驚白雲飛

八詠樓

明月清風外詩魂不可招秋山長瘦在猶似苦吟腰

秋扇

人心有炎涼我心無歡悲篋中重自珍會有薰風時

七夕

世上癡兒女爭趨乞巧筵婦鳩甘抱拙不詔鵲橋仙

七言絕句

楊妃

三郎掩面馬嵬坡生死恩深可奈何瘞玉驛傍何足

恨潼關戰骨不埋多

水墨海棠

不將翠袖卷紗紅  
怪得陳玄奪化工  
想是太真春睡  
去夢魂正在黑甜中

三月晦日與邵古心諸友閑遊東園分韻得空  
字

韶華收拾太匆匆  
眼底浮花一掃空  
留得數枝紅藥  
在五更分付與薰風

年少春遊

錦袍朱帶玉花驄  
著意追歡紫陌東  
只道春風屬楊  
柳不知楊柳有秋風

山間早春

小桃枝上認年華  
隨分紅開一兩花  
將謂東風只城市  
也吹春色到山家

三月晦日

九十春光能有幾  
東君遽作遠行人  
樽前莫惜今朝醉  
明日鶯聲不是春

晚步

未暝先啼草際蛩  
石橋暗度藕花風  
歸鴉不帶殘陽去  
留得林梢一抹紅

春閨詞

愁鎖眉尖未肯消  
何心更畫兩蛾嬌  
一春螺黛渾無用  
付與東風染柳條

山間秋夜

夜色秋光共一闌  
飽收風露入脾肝  
虛簷立盡梧桐影  
絡緯數聲山月寒

新年

粧點春光到眼邊  
凍消殘雪暖生煙  
杏桃催換新顏色  
惟有寒梅老一年

越王山

玉輦金輿去不回  
空餘千仞碧崔嵬  
英雄安得如潮水  
每日山前兩度來

次韻邵古心春遊阻雨

田里熙熙便是春  
追遊何必艷陽晨  
打門吏少花村靜  
聽雨高眠亦可人

醉餘再賦

堪嘆詩翁酒興豪  
醉餘猶復一登高  
西風抵死相搖撼  
爭奈儒冠裹得牢

觀音閣前梅花

畢竟花猶爲色界  
未應香解動閨思  
清香綽約如冰雪  
千手何曾折一枝

春靜山行

幽鳥數聲啼曉烟  
杖藜未到白雲邊  
陰陰萬綠又如許  
春在一枝紅杜鵑

初夏

陰陰濃綠護簾櫳  
回首芳菲迹已空  
蝴蝶徑拋春色去  
又來庭館舞薰風

讀明皇羯鼓錄

要把春風火急催臨軒一擊萬紅開如何羯鼓聲方  
歇便有漁陽鞀鼓來

錢塘懷古

嗚咽江流帶恨聲不堪重上浙江亭東風吹起繁華  
跡惟有吳山似舊青

吳王夜宴圖

銀漏迢迢夜未晨管絃聲裏綺羅春飲餘方擁名娃  
醉豈料稽山已臥薪

九日


從宋詩  
鈔補入

懶把黃花插滿頭正緣老大見花羞年來頗恨儒冠  
悞好倩西風吹去休

高帝

據國粹  
本補入

未央前殿養親時想見當年俎上危借問杯羹何等  
語如今安用玉卮爲





讀吹令安用王風編

真山民詩集終執勝景當平世士京爵開林葉何等

真山民集見於宋詩鈔又收入四庫全書國粹叢書順德鄧實校錄本皆近體無古詩取以互校各有譌奪龍泉吳嘉彥嘗從日本青木嵩山堂得刻本有五言古詩十首雜言古詩二首且視宋詩鈔所收多五十餘首較爲完善然董師謙序所摘有聽雨寒更盡開門落葉深句其全詩仍爲此本所無意者如徐氏筆精所云糜爛醯雞前後已多損失此特其贖稿乎按龍泉縣志山民名桂芳宋末進士真氏譜系文忠之子志道生紹祖同祖山民爲同祖之子文忠曾孫也紹祖生蜀孫伯源乃蜀孫之子文忠之嫡玄孫也民國二十

九年庚辰秋月劉耀東跋

凡為同師之干文忠曾終出隱跡主臣既終日

士真升書系文忠之干志嚴主隱跡同隱山

其類高平野東瀛志山月各封共宋末末

凡幾新書元九來新撰前翁已珍跡夫此林

萬葉國傳山月此本河神意答收翁

行書國書以之師前撰用與更盡開門

卷二有月來之卷凡非多正十餘首神氣

本高仙海經本前正言古詩十首錄言古

以正正名所不事新集與嘉政實發日本書

神書書顯新書實林外本皆長續跡古詩單

真山月集景代末新錄又外人四取全書圖



國家圖書館



004850132

